

შპს "აჭარის ელექტროკავშირის" ელექტრონული
საკომუნიკაციო კანალიზაციის არხებთან დაშვების შეთავაზების
წინადადება

(მ ო წ ვ ე ვ ი ს ო ფ ე რ ტ ა)

წინამდებარე დოკუმენტით განსაზღვრულია შპს "აჭარის ელექტროკავშირის" ელექტრონული საკომუნიკაციო კანალიზაციის არხებთან დაშვების შეთავაზების პირობები, რომელიც ვრცელდება ყველა ავტორიზირებულ პირზე და მიღებულია ინფორმაციის გამჭვირვალობის უზრუნველყოფის ვალდებულების შესრულების მიზნით.

შპს "აჭარის ელექტროკავშირის" ელექტრონული საკომუნიკაციო კანალიზაციის არხებთან დაშვების მომსახურების მიწოდება ხორციელდება შემდეგი პირობებით:

1. შპს "აჭარის ელექტროკავშირის" ელექტრონული საკომუნიკაციო კანალიზაციის არხებთან დაშვების მომსახურების მიწოდების ვალდებულება დაკისრებული აქვს შემდეგ გეოგრაფიულ სეგმენტებში:

აჭარის არ.

2. შპს "აჭარის ელექტროკავშირის" სატელეფონო საკანალიზაციო არხების სრული და დატვირთული სიმძლავრეების მონაცემებია:

№	ფილიალის დასახელება	სატელეფონო კანალიზაციის არხების სიგრძე (არხ/კმ.)	კაბელების რაოდენობა სატელეფონო კანალიზაციაში (კმ)
1	ქ. ბათუმის ქსელი	286.56	165.14
2	ქობულეთის განყოფილება	60.46	75.13
3	ხედვანაურის განყოფილება	45.09	15.35
4	ქედის განყოფილება	1.84	7.67
5	შუახევის განყოფილება	3.94	5.55
6	ხულოს განყოფილება	4.67	5.99
	სულ	402.56	274.83

შენიშვნა: ზემოთითხუთებული მონაცემები ექვემდებარება განახლებასა და ცვლილებას;

3. შპს "აჭარის ელექტროკავშირის" ელექტრონული საკომუნიკაციო კანალიზაციის არხებთან დაშვების მომსახურებას გაწევას ახორციელებს მხოლოდ ელექტრონული საკომუნიკაციო კანალიზაციის არხებში კაბელის გატარების (არხის ორ წერტილს შორის კაბელის განლაგების) ფარგლებში;
4. შპს "აჭარის ელექტროკავშირის" ელექტრონული საკომუნიკაციო კანალიზაციის არხებთან დაშვების ტარიფები განსაზღვრულია შპს "აჭარის ელექტროკავშირის" 2008 წლის 28 თებერვლის № 903 ბრძანებით და შეადგენს:

კაბელის დიამეტრი	ტარიფი
15 მმ-მდე	70.00
15 დან 25 მმ-ის ჩათვლით	100.00
25 დან 35 მმ-ის ჩათვლით	200.00
35 დან 45 მმ-ის ჩათვლით	300.00
45 დან 55 მმ-ის ჩათვლით	400.00

შენიშვნა: ზემომოცემული ტარიფები განისაზღვრება I თვისთვის I სრული და არასრული კმ სიგრძის კაბელისთვის და მოცემულია ლარებში დღგ-ს ჩათვლით.

5. მხარეებს შორის ანგარიშსწორება წარმოებს ყოველთვიურად. ანგარიშსწორება მხარეთა შორის ხორციელდება შემოსავლების შესახებ საოქმო გადაწყვეტილების საფუძველზე სრული მოცულობით, არაუგვიანეს საანგარიშსწორებო თვის მომდევნო თვის 25 რიცხვამდე. იმ შემთხვევაში, თუ არსებობს წინააღმდეგობა მხარეების მიერ წარმოდგენილ მონაცემებს შორის, ანგარიშსწორება იწარმოებს შპს "აჭარის ელექტროკავშირის" მიერ მხარისადმი წარდგენილი შემოსავლების შესახებ საოქმო გადაწყვეტილებაში დაფიქსირებული თანხების ოდენობით, ხოლო სადაო ნაწილზე წარდგენილ იქნება გადაანგარიშების მოთხოვნა სათანადო დასაბუთებითა და შესაბამისი მტკიცებულებით. თუ მხარეები 10 სამუშაო დღის ვადაში ვერ შეთანხმდებიან საპრეტენზიო ნაწილზე, დავა განხილული და გადაწყვეტილი იქნება საქართველოში არსებული მუდმივმოქმედი კერძო არბიტრაჟის მეშვეობით.
6. შპს "აჭარის ელექტროკავშირის" ელექტრონული საკომუნიკაციო კანალიზაციის არხებთან დაშვების ოფერტაზე თანხმობის მიღებისა და ხელშეკრულების გაფორმების პროცედურა:
 - 6.1. განმცხადებელი ვალდებულია წარმოადგინოს:
 - ა) ავტორიზაციის დამადასტურებელი დოკუმენტი;
 - ბ) ამონაწერი სამეწარმეო რეესტრიდან;
 - გ) წერილობითი განცხადება, სადაც ნათლად იქნება დაფიქსირებული, რომ განმცხადებელს სურს მიიღოს შპს "აჭარის ელექტროკავშირისაგან" ელექტრონული საკომუნიკაციო კანალიზაციის არხებთან დაშვების მომსახურება;
 - დ) წერილობით განცხადებაში დაფიქსირებული უნდა იყოს განმცხადებლის დასტური რომ იგი გაცნობილია, ეთანხმება და უპირობოდ შეასრულებს ოფერტაში დაფიქსირებულ ყველა პირობას;
 - 6.2. კონკრეტული წერტილების მითითება, სადაც განმცხადებელს სურს კაბელის გატარება ხორციელდება მხოლოდ მას შემდეგ რაც შპს "აჭარის ელექტროკავშირისა" და განმცხადებელს შორის გაფორმებული იქნება ელექტრონული საკომუნიკაციო კანალიზაციის არხებთან დაშვების ხელშეკრულება. კაბელის გატარების მოთხოვნის კონკრეტული შემთხვევების მიღებისა და განხილვის პროცედურა აღწერილია ცალკე მუხლ 7-ში;
 - 6.3. განმცხადებლის მიმართვიდან 10 სამუშაო დღეში შპს "აჭარის ელექტროკავშირი" შეისწავლის აკმაყოფილებს თუ არა განმცხადებლის მიერ წარმოდგენილი დოკუმენტაცია და წერილობითი განცხადება 6.1 მუხლში დაფიქსირებულ მოთხოვნებს;
 - 6.4. განმცხადებლის მიმართვიდან 10 სამუშაო დღეში შპს "აჭარის ელექტროკავშირი" წერილობით აცნობებს განმცხადებელს აკმაყოფილებს თუ არა განმცხადებლის მიერ წარმოდგენილი დოკუმენტაცია და წერილობითი განცხადება 6.1 მუხლში დაფიქსირებულ მოთხოვნებს. დადებითი პასუხის შემთხვევაში აქცეპტი მიღებულად ითვლება წერილობითი პასუხის გაცემის თარიღიდან, ხოლო უარყოფითი პასუხის შემთხვევაში ჩაითვლება რომ განმცხადებლის მიერ აქცეპტი არ გაკეთებულა;
 - 6.5. 6.4 მუხლის მიხედვით დადებითი პასუხის შემთხვევაში შპს "აჭარის ელექტროკავშირი" ვალდებულია აქცეპტის მიღებიდან 20 კალენდარული

დღის ვადაში გაუგზავნოს აქცეპტანტს მის მიერ ხელმოწერილი ელექტრონული საკომუნიკაციო კანალიზაციის არხებთან დაშვების ხელშეკრულება.

6.6. აქცეპტანტი ვალდებულია 7 კალენდარული დღის ვადაში მის მიერ ხელმოწერილი ხელშეკრულება უკან დაუბრუნოს შპს "აჭარის ელექტროკავშირს". თუ ამ ვადაში ხელმოწერილი ხელშეკრულება არ იქნება დაბრუნებული, ითვლება რომ აქცეპტანტი უარს აცხადებს ოფერტაზე და შპს "აჭარის ელექტროკავშირი" უფლებას იტოვებს დაუფიქსირებლივ შეწყვიტოს ოფერტაზე უარის მიქმელ პირთან ფაქტობრივი ურთიერთობები და ჩაითვლება, რომ შპს "აჭარის ელექტროკავშირს" აქცეპტანტთან არანაირი სამართლებრივი ურთიერთობა არ აკავშირებს.

7. შპს "აჭარის ელექტროკავშირის" ელექტრონული საკომუნიკაციო კანალიზაციის არხების ორ წერტილს შორის კაბელის გატარების მოთხოვნების მიღება და შემდგომი პროცედურა:

7.1. შპს "აჭარის ელექტროკავშირის" ელექტრონული საკომუნიკაციო კანალიზაციის არხების ორ წერტილს შორის კაბელის გატარების მოთხოვნისას, ავტორიზებული პირი ვალდებულია წერილობით მიმართოს შპს "აჭარის ელექტროკავშირს". მიმართვისას დაცული უნდა იყოს ყველა ქვემოთმითითებული პირობა:

ა) შპს "აჭარის ელექტროკავშირსა" და განმცხადებელს შორის უნდა არსებობდეს მოქმედი ორმხრივად ხელმოწერილი ხელშეკრულება საკომუნიკაციო კანალიზაციის არხებთან დაშვების შესახებ;

ბ) ავტორიზებული პირის დავალიანება შპს "აჭარის ელექტროკავშირის" მიმართ მიმართვის მომენტში არ უნდა აღემატებოდეს 1 000 ლარს;

გ) წერილობით მოთხოვნაში ზუსტად უნდა იყოს დაფიქსირებული კაბელის გატარების მარშრუტის საწყისი და საბოლოო წერტილები;

დ) წერილობით მოთხოვნაში ზუსტად უნდა იყოს დაფიქსირებული კაბელის ტიპი და დიამეტრი;

7.2. ავტორიზებული პირის მიმართვიდან 20 სამუშაო დღეში შპს "აჭარის ელექტროკავშირი" შეისწავლის:

ა) დაცულია თუ არა 7.1 მუხლის მოთხოვნები;

ბ) ა) პუნქტზე დადებითი პასუხის შემთხვევაში, ტექნიკური ნორმების დაცვით შესაძლებელია თუ არა კაბელის მოთხოვნილი მარშრუტით განთავსება;

7.3. ავტორიზებული პირის მიმართვიდან 20 სამუშაო დღეში შპს "აჭარის ელექტროკავშირი" წერილობით აცნობებს ავტორიზებულ პირს:

ა) დაცულია თუ არა 7.1 მუხლის მოთხოვნები;

ბ) ა) პუნქტზე დადებითი პასუხის შემთხვევაში, ტექნიკური ნორმების დაცვით შესაძლებელია თუ არა კაბელის მოთხოვნილი მარშრუტით განთავსება;

7.4. 7.3 მუხლის მიხედვით დადებითი პასუხის შემთხვევაში ავტორიზებული პირი ვალდებულია პასუხის 14 კალენდარული დღის ვადაში წარმოუდგინოს შპს "აჭარის ელექტროკავშირს" კაბელის ზემოთითხსნილი მარშრუტით გატარების პროექტი, სადაც დეტალურად იქნება მოცემული კაბელის გატარების მიმართულება და ყველა სხვა მნიშვნელოვანი ტექნიკური ინფორმაცია;

7.5. შპს "აჭარის ელექტროკავშირი" ვალდებულია პროექტის მიღებიდან 15 სამუშაო დღის ვადაში დაუბრუნოს დამტკიცებული პროექტი ავტორიზებულ პირს ან წერილობით აცნობოს უარი პროექტის დამტკიცებაზე და ასევე ამ უარის მიზეზი. უარის შემთხვევაში, ავტორიზებული პირი ვალდებულია თავიდან გამოაგზავნოს პროექტი 7.4 მუხლში დაფიქსირებული მოთხოვნების

- დაცვით. პროცესი გრძელდება 7.5 მუხლის მიხედვით. ავტორიზებული პირი არაუმეტეს 3-ჯერ არის უფლებამოსილი გამოაგზავნოს პროექტი. შესაძლებელია პროექტის არ დამტკიცების შემთხვევაში შპს "აჭარის ელექტროკავშირი" შეწყვეტს პროექტების მიღებასა და განხილვას.
- 7.6. პროექტის დამტკიცების შემთხვევაში შპს "აჭარის ელექტროკავშირი" ვალდებულია პროექტის დამტკიცებიდან 10 სამუშაო დღის ვადაში გაუგზავნოს ავტორიზებულ პირს მის მიერ ხელმოწერილი დანართი კომპანიებს შორის არსებულ ხელშეკრულებაზე საკომუნიკაციო კანალიზაციის არხებთან დაშვების შესახებ, სადაც დაფიქსირებული იქნება კაბელის გატარების მარშუტი (საწყისი და საბოლოო წერტილები), სიგრძე, დიამეტრი, ტარიფი და ყოველთვიურად გადასახდელი თანხა;
- 7.7. ავტორიზებული პირი ვალდებულია 7 კალენდარული დღის ვადაში მის მიერ ხელმოწერილი დანართი უკან დაუბრუნოს შპს "აჭარის ელექტროკავშირს". თუ ამ ვადაში ხელმოწერილი დანართი არ იქნება დაბრუნებული, ითვლება რომ ავტორიზებული პირი უარს ამბობს კაბელის კანალიზაციაში მოთხოვნილი მიმართულებით განთავსებაზე და ჩაითვლება, რომ შპს "აჭარის ელექტროკავშირს" ავტორიზებულ პირთან არანაირი სამართლებრივი ურთიერთობა არ აკავშირებს ამ დანართის ფარგლებში;
- 7.8. ავტორიზებული პირის მიერ 7.7 მუხლის მოთხოვნების დაცვის შემთხვევაში, შპს "აჭარის ელექტროკავშირი" ვალდებულია 7 კალენდარულ დღეში დაუბრუნოს ავტორიზებულ პირს თავისი მხრიდან ხელმოწერილი დანართი;
- 7.9. ავტორიზებული პირი ვალდებულია შპს "აჭარის ელექტროკავშირისგან" მის მიერ ხელმოწერილი დანართის მიღებიდან 14 კალენდარული დღის ვადაში წარმოუდგინოს შპს "აჭარის ელექტროკავშირს" იმ კომპანიისა და კონკრეტული პირების სახელები, ვინც უნდა განახორციელოს კაბელის მითითებული მიმართულებით განთავსება. შპს "აჭარის ელექტროკავშირი" უფლებამოსილია დაეთანხმოს ან არ დაეთანხმოს მითითებულ პირებსა და კომპანიას. შპს "აჭარის ელექტროკავშირი" უფლებამოსილია განსაზღვროს სია იმ კომპანიებისა, ვინც უფლებამოსილი არიან შპს "აჭარის ელექტროკავშირის" კუთვნილ სატელეფონო კანალიზაციაში განახორციელონ კაბელის განთავსების სამუშაოები;
- 7.10. იმ შემთხვევაში თუ შპს "აჭარის ელექტროკავშირი" ეთანხმება წერილში დაფიქსირებული კომპანიისა და პირების მიერ კაბელის ჩადების განხორციელებას, შპს "აჭარის ელექტროკავშირი" ვალდებულია 7.9 მუხლში მითითებული წერილის მიღებიდან 10 სამუშაო დღეში გასცეს ნებართვა მითითებული კომპანიისა და პირების მიერ კაბელის განთავსების სამუშაოების განხორციელებაზე. ნებართვა მიეწოდება ავტორიზებულ პირსა და შპს "აჭარის ელექტროკავშირის" შესაბამის სტრუქტურულ ერთეულს. ნებართვის წერილში მითითებული უნდა იყოს ავტორიზებული პირის სახელი, კაბელის ტიპი, დიამეტრი, შესაბამისი პროექტი, საწყისი და საბოლოო წერტილები, მარშუტი, კაბელის ჩადების განმანორციელებელი პირებისა და კომპანიის ვინაობა, ნებართვის მოქმედების ვადა (მინიმუმ 10 სამუშაო დღე). იმ შემთხვევაში თუ შპს "აჭარის ელექტროკავშირი" არ ეთანხმება წერილში დაფიქსირებული კომპანიისა და პირების მიერ კაბელის განთავსების სამუშაოების განხორციელებას, შპს "აჭარის ელექტროკავშირი" ვალდებულია 7.9 მუხლში მითითებული წერილის მიღებიდან 10 სამუშაო დღეში აცნობოს ავტორიზებულ პირს უარის და უარის მიზეზების შესახებ;
- 7.11. ავტორიზებული პირი ვალდებულია ნებართვის გაცემის თარიღიდან 10 სამუშაო დღის ვადაში განახორციელოს კაბელის გატარება პროექტის მიხედვით. კაბელის გატარების პროცესს ესწრება შპს "აჭარის ელექტროკავშირის" წარმომადგენელი, რომელიც გამოყოფილ იქნება შპს "აჭარის ელექტროკავშირის" შესაბამისი სტრუქტურული ერთეულის მიერ.

განთავსების სამუშაოების შემდეგ მხარეებს შორის (ავტორიზებული პირის მიერ გამოყოფილი წარმომადგენელი, ხოლო შპს "აჭარის ელექტროკავშირის" მხრიდან შესაბამისი სტრუქტურული ერთეულის მიერ გამოყოფილი პირები) გაფორმდეს პირველადი მიღება ჩაბარების აქტი, სადაც მითითებული უნდა იყოს: კაბელის გატარების თარიღი, აქტის ხელმომწერი პირების თანამდებობა და ვინაობა, კაბელის ტიპი, კაბელის დიამეტრი, კაბელის სიგრძე, კაბელის გატარების მარშრუტი, საწყისი და საბოლოო წერტილები, კაბელის გატარების სამუშაოების განმხორციელებელი პირები და კომპანია, კაბელის მარკირების ნომერი.

7.12. პირველადი მიღება-ჩაბარების აქტის გაფორმებიდან 10 სამუშაო დღის ვადაში მხარეების უფლებამოსილი წარმომადგენლების მიერ შემოთმითითებული პირველადი მიღება-ჩაბარების აქტის საფუძველზე უნდა გაფორმდეს საბოლოო მიღება-ჩაბარების აქტი, სადაც მითითებული უნდა იყოს იგივე პუნქტები, რაც პირველად მიღება-ჩაბარების აქტში.

8. შპს "აჭარის ელექტროკავშირის" ელექტრონული საკომუნიკაციო კანალიზაციის არხებში განთავსებულ ავტორიზებული პირების კაბელებთან ავტორიზებული პირების დაშვება კაბელის ექსპლოატაციის მიზნით ხორციელდება შემდეგი პროცედურის მიხედვით:

8.1. დაშვება სამუშაოების ჩატარების მიზნით ჩვეულებრივ რეჟიმში:

8.1.1. ავტორიზებული პირი წერილობით მიმართავს შპს "აჭარის ელექტროკავშირს". წერილში დაფიქსირებული უნდა იყოს შემდეგი მონაცემები: დაშვების მიზანი, კაბელის განთავსების ადგილმდებარეობა (საწყისი და საბოლოო წერტილები), განსახორციელებელი სამუშაოს ტიპი და აღწერა, სამუშაოს ჩატარების ადგილმდებარეობა, სამუშაოების ჩატარების ხანგრძლივობა, სამუშაოების ჩამტარებელი კომპანიის სახელწოდება (ეს კომპანია მისაღები უნდა იყოს შპს "აჭარის ელექტროკავშირისთვის"), სამუშაოების ჩამტარებელი პირების თანამდებობა და ვინაობა (ეს პირები მისაღები უნდა იყვნენ შპს "აჭარის ელექტროკავშირისთვის"), სამუშაოების ჩატარების დრო;

8.1.2. - შპს "აჭარის ელექტროკავშირი" 5 სამუშაო დღის ვადაში შეისწავლის წერილს და არსებულ სიტუაციას. იმ შემთხვევაში, თუ ავტორიზებული პირის მიერ გაგზავნილი წერილი აკმაყოფილებს 8.1.1 მუხლის მოთხოვნებს და ავტორიზებული პირის დავალიანება შპს "აჭარის ელექტროკავშირის" მიმართ მიმართვის მომენტში არ აღემატება 1 000 ლარს, მიმართვის მიღებიდან 5 სამუშაო დღის ვადაში, შპს "აჭარის ელექტროკავშირი" გაცემს წერილობით ნებართვას ავტორიზებულ პირზე შესაბამის კაბელებზე სამუშაოების ჩატარების შესახებ;

- იმ შემთხვევაში თუ შემოჩამოთვლილი პირობები არ სრულდება, შპს "აჭარის ელექტროკავშირი" 5 სამუშაო დღის ვადაში წერილობით აცნობებს ავტორიზებულ პირს უარს და ამ უარის მიზეზებს;

- ნებართვა მიეწოდება ავტორიზებულ პირსა და შპს "აჭარის ელექტროკავშირის" შესაბამის სტრუქტურული ერთეულს. ნებართვის წერილში მითითებული უნდა იყოს ავტორიზებული პირის სახელი, ყველა ის მონაცემი, რომელიც დაფიქსირებულია 8.1.1 მუხლში და ასევე ნებართვის მოქმედების ვადა (მინიმუმ 10 სამუშაო დღე).

8.1.3. ავტორიზებული პირი ვალდებულია ნებართვის გაცემის თარიღიდან 10 სამუშაო დღის ვადაში ვალდებულია განახორციელოს სამუშაოები ნებართვის მიხედვით. სამუშაოების პროცესს ესწრება შპს "აჭარის

ელექტროკავშირის” წარმომადგენელი, რომელიც გამოყოფილ იქნება შესაბამისი სტრუქტურული ერთეულის მიერ. სამუშაოების შემდეგ მხარეებს შორის (ავტორიზებული პირის მხრიდან სამუშაოების განმხორციელებელი პირები, ხოლო შპს “აჭარის ელექტროკავშირის” მხრიდან შესაბამისი სტრუქტურული ერთეულის მიერ გამოყოფილი პირები) ფორმდება პირველადი მიღება ჩაბარების აქტი, სადაც მითითებული უნდა იყოს: სამუშაოების განხორციელების თარიღი, აქტის ხელმოწერი პირების თანამდებობა და ვინაობა, სამუშაოები ტიპი და აღწერა, სამუშაოების ზუსტი ადგილმდებარეობა;

- 8.2. სამუშაოებში იგულისხმება ყველა ის მოქმედება კაბელზე, რომელიც არ იწვევს ცვლილებას კაბელის ტიპსა და სიგრძეში და ასევე არ იწვევს კაბელის მნიშვნელოვანი ზომის მონაკვეთების ცვლილებას. მოთხოვნა ყველა სხვა ტიპის მოქმედებაზე განიხილება როგორც ახალი კაბელის განთავსების მოთხოვნა და ის რეგულირდება მე-7 მუხლით;
 - 8.3. კაბელის ამოღება ხორციელდება მუხლ 7-ში დაფიქსირებული პირობების ანალოგიურად;
9. შპს “აჭარის ელექტროკავშირის” ელექტრონული საკომუნიკაციო კანალიზაციის არსებთან დაშვების მომსახურების მიწოდების ექსტრაორდინალურ და ფორსმაჟორულ შემთხვევებთან დაკავშირებული პირობები:
- 9.1. მხარეები თავისუფლდებიან პასუხისმგებლობისაგან მათ მიერ ნაკისრი ვალდებულებების სრული ან ნაწილობრივი შეუსრულებლობისათვის დაუძლეველი ძალის მოქმედების შემთხვევაში, რომლის დროსაც შეუძლებელია ხელშეკრულებით გათვალისწინებული ვალდებულებების შესრულება.
 - 9.2. „დაუძლეველი ძალის“ ქვეშ იგულისხმება გარემოებები, რომლებიც არ არსებობენ ხელშეკრულების დადების დროს და რომელთა დადგომა თუ ზემოქმედება მხარეებს არ შეუძლიათ თავიდან აეცილებინათ და გადაეღონათ.
 - 9.3. დაუძლეველი ძალის გარემოებებს მიეკუთვნება სტიქიური უბედურებები (წყალდიდობა, მიწისძვრა, ხანძარი და სხვა) აფეთქებები (მათ შორის ტერორისტული თუ დივერსიული აქტები). საომარი მოქმედებები (მათ შორის სამოქალაქო არეულობები და გაფიცვები), ხელისუფლების ისეთი აქტები, რაც არსებითად აფერხებს მხარეთა მიერ ნაკისრი ვალდებულებების შესრულებას და სხვა.
 - 9.4. თუ ზემოხსენებულმა გარემოებებმა უშუალოდ იმოქმედეს ხელშეკრულებით ნაკისრი ვალდებულებების შერულების ვადებზე, მაშინ ეს ვადები ამ გარემოებების მოქმედების დროს თანაბარზომიერად გაიზრდება. მხარემ, რომლისათვისაც ფორსმაჟორული გარემოებების დადგომის გამო შეუძლებელი გახდა ვალდებულებების შესრულება, ვალდებულია დაუყოვნებლივ, მაგრამ არა უგვიანეს 7 (შვიდი) დღისა ამ გარემოებების დადგომიდან ან დასრულებიდან, შეატყობინოს მეორე მხარეს წერილობით. შეუტყობინებლობის, ან დაგვიანებით შეტყობინების შემთხვევაში მხარე კარგავს უფლებას დაეყრდნოს ფორს-მაჟორული გარემოებების არსებობას, როგორც პასუხისმგებლობისაგან გათავისუფლების საფუძველს.
10. შპს “აჭარის ელექტროკავშირის” ელექტრონული საკომუნიკაციო კანალიზაციის არსებთან დაშვების მომსახურების მიწოდების შესაბამისი ხელშეკრულებების შეწყვეტის პირობები:

- 10.1. შეწყვეტა ხორციელდება საქართველოს მოქმედი კანონმდებლობით დადგენილი წესითა და საფუძვლებით;
11. შპს “აჭარის ელექტროკავშირის” ელექტრონული საკომუნიკაციო კანალიზაციის არხებთან დაშვების მომსახურების მიწოდების შესაბამისი ხელშეკრულებებიდან გამომდინარე დავების განხილვის წესი:
- 11.1. ხელშეკრულებიდან გამომდინარე ნებისმიერი ქონებრივი დავა განხილული და გადაწყვეტილი იქნება საქართველოში არსებული მუდმივმოქმედი კერძო არბიტრაჟის მიერ. დავას განიხილავს ერთი არბიტრისაგან შემდგარი არბიტრაჟი, რომელსაც დანიშნავს მუდმივმოქმედი არბიტრაჟი. დავას განიხილავს და გადაწყვეტს ის არბიტრაჟი, რომელიც კონკრეტულად მითითებული იქნება ხელშეკრულებაში შპს “აჭარის ელექტროკავშირის” მიერ;
12. წინამდებარე ოფერტა მოქმედებს გამოქვეყნებიდან 6 თვის ვადით.

დირექტორი  მერაბ სტეფანია